

Акафист

Преподобному Феодориту, просветителю Кольскому.

Конда́к 1

Избра́нный уго́днице, Феодори́те преблаже́нный, / ка́ко не удиви́тися нам добродете́льным деломъ твои́м преди́вным? / Что возглаго́лем о томъ, якова́я имёл еси́ дарова́ния от Бо́га, / си́речь да́ры Ду́ха Свята́го: / си́лы исцелёния, дар проро́чества, дар му́дрости, / уме́ние грёшники уловля́ти от презлы́х дел диаво́льских / и наставля́ти на путь покая́ния, / дар приводи́ти от нече́стия и многоле́тнаго дре́вняго неве́рия / в ве́ру Христо́ву язы́ки неве́рныя? / О, па́стырю преди́вный, / я́ко имейя́ таково́е бога́тное дерзнове́ние ко Го́споду, / от вся́ких нас бед свободи́, / с похвалёнием зову́щих ти:

Ра́дуйся, преподо́бне Феодори́те, // равноапо́стольное служе́ние в земли́ Ко́льстей нам яви́вый.

И́кос 1

А́нгела земна́го и небёснаго челове́ка, / преподо́бнаго отца́ нашего Феодори́та почти́м, / се́мя пра́вды ева́нгельския во язы́цех земе́ль се́верных посе́явшаго / и вся сия́ ко Христу́ приве́дшаго, / и просла́вим апо́стольския по́двиги его́. / А́нгельское твоё во плоти́ жити́е прови́дев, / всея́ тва́ри Созда́тель от ю́ности твоея́ угото́ва тя в сосу́д че́стен, // те́мже научи́ вопи́ти тебе́ си́це:

Ра́дуйся, благоче́стиваго ко́рене о́трасле возвраще́нная;

Ра́дуйся, в науче́нии кни́жном па́че swéрстных просвеще́нный.

Ра́дуйся, в ю́ности ра́зум соверше́нный яви́вый;

Ра́дуйся, идо́льскую лесть в земли́ се́верней упраздни́вый.

Ра́дуйся, оби́телей и церкве́й зижди́телю неусыпа́емый;

Ра́дуйся, благове́стник Христо́ва уче́ния неиссяка́емый.

Ра́дуйся, о́тче преподо́бне, благода́тию Христо́вою осенённый;

Ра́дуйся, ста́рче блаже́нне, да́ром прозре́ния свы́ше ода́ренный.

Рáдуйся, преподóбне Феодорíte, // равноапóстольное служéние в землi Кóльстей нам явívый.

Кондáк 2

О, мýже святы́й Феодорíte, / рождество́ твое от мéста Ростóва слáвнаго, / отонúдуже и святы́й Сёргий игúмен провозрастé. / От рождéния своего́ был есi чист и непорóчен, / ясным умóм и благочéстием одарén / и от ю́ных лет Бóгом на пóдвиг вéлий избрán. / Издétска во обiтели свята́го Григорiя Богослóва воспитáнный, / та́мо Бóжиим смотре́нием на путь светонаста́вника язы́чников дiвих изрядiлся есi. / Мы же, зря́ще путi Бóжия неисповедiмая, тебе́ уготовáнные, / сiце вопи́ем: // **А**лилу́ия.

И́кос 2

Рáзум свýше обрёл есi, / в затвóре Ростóвstem мнóзим язы́ком навýк, / богослóвию возжелёл есi поучáтися, и мнóжество грéческих писáний духо́вных изуведал есi, / и та́мо взалка́л есi поити́ в зéмлю необетовáнную, не пýтную, в зéмлю жа́ждущую, / подóбся слáвному Стефа́ну, Вели́кия Перми́ просвещнику. / Мы же, дивя́щися желáнию послу́шника ю́ностнаго и то́лько небомы́сленнаго, // та́ко воспо́йм:

Рáдуйся, гра́да Ростóва благо́е прозябéние;

Рáдуйся, издétска воста́вый на Христóво служéние.

Рáдуйся, любвé ра́ди Гóспода до́м отéческий оста́вивый;

Рáдуйся, чистото́ю де́тишною исто́чники страсте́й уста́вивый.

Рáдуйся, от ю́ности твоея́ Еди́наго Христа́ возлюбiвый;

Рáдуйся, се́рдце твое́ зерка́лом богомы́слия утверждiвый.

Рáдуйся, целомúдрия венце́м от ю́ности увязáнный;

Рáдуйся, я́ко iде путе́м, Стефа́ном Пёрмским указáнным.

Рáдуйся, преподóбне Феодорíte, // равноапóстольное служéние в землi Кóльстей нам явívый.

Кондáк 3

В третиенадеся́тое ле́то во́зраста твоего́ от до́му родiтелей своих изше́л есi, блаже́нне, / удалiлся есi в монасты́рь, iже есть во отóце Соловécтsem мо́ря Севернаго. / И та́мо пребы́в ле́то еди́но, / в четвертоенадеся́тое же ле́то возра́сту своего́ прия́л есi мни́шеский

образ / и наречён был еси́ Феодоритом. / Вдался еси́ во свято́е послушание еди́ному пресви́теру Зосíme, / святу, премудру и многолétну сущу. / Тамо же нав́иче вся́цей духо́вней премудрости / и взы́де ко преподо́бию по степéнем добродéтелей. / Мы́ же, дивя́щиеся таковóму о тебé Бóжию промы́слению, / со умилéнием вопи́ем ти́: // **А**лилу́ия.

И́кос 3

Хиротони́сан был еси́ от архиепи́скупа Но́ва гра́да сла́внаго Мака́рия во диа́коны, / изы́де на созерца́ние ко явлéнному и вели́кому мýжу, чудотворцу́ сущу, Алекса́ндру Сви́рскому. / Он же при́ял еси́ тя со пров́идением вне монасты́ря, / усре́сти тя изшед, рече́: сын Авра́мль при́йде к нам, Феодорит диа́кон. / Я́ко чи́ст у чи́стаго и непоро́чный у непоро́чнаго, / зело́ возлюби́ тя преподо́бный, доко́ле пожи́л еси́ в монасты́ре о́ном. / Мы́ же, ви́дяще чу́дное Бóжие смотре́ние о срéтении сем, // вопи́ем ти́ си́це:

Рáдуйся, с жа́ждею к по́двигом ино́ческим себе́ устрем́ивый;

Рáдуйся, любве́ ра́ди божéственныя жити́е пу́стынное возлю́бивый.

Рáдуйся, богомудре, соверше́ннаго послуша́ния исполненный;

Рáдуйся, я́ко ре́вность тво́я по Бóзе, я́ко пла́мень о́гненный.

Рáдуйся, преподо́бнаго Алекса́ндра спо́стниче и собесéдниче;

Рáдуйся, Сви́рскаго моли́твенника любéзный сослуже́бниче.

Рáдуйся, дру́жбу и споборе́ние с Мака́рием Ри́млянином сохрани́вый;

Рáдуйся, от уст Алекса́ндровых премудро́сть духо́вную уясни́вый.

Рáдуйся, преподо́бне Феодорите, // равноапóстольное служе́ние в земли́ Ко́льстей нам яви́вый.

Конда́к 4

Устремился еси́, о́тче всехва́льный, / извэ́дати ре́вностно́ ины́ вели́кия монасты́ри, та́мо сущия́, / и оби́тели ма́лыя и пу́стыни, / ища́ хра́брых вои́нов Христо́вых, / я́же вою́ют сопроти́в нача́л власте́й те́мных, миродéржцев ве́ка сего́. / И обще́д ины́ вси благооби́тельныя концы́, / обре́л еси́ духо́вных мни́хов и святы́х

мужей многих. / И тамо сподвизался еси с ними, поревновав их жестокому и святому жителству, / умучая и покоряя плоть свою в порабощение и в послушание духу. / Помози и нам, отче преподобный, / тако благодатию Духа очиститися, / да поем тобою благодющему нам Богу: // Аллилуия.

Икос 4

Срѣтил еси, отче, в мѣстех неудобопроходных иных немало мнѣхов пустынников, / мужей освященных и престарѣвших уже во днѣх. / И тамо с ними в Фиваиде Сѣверней, во трудѣх духовных подвижаяся, / розжѣглся еси желанием пустынного безмолвнаго жителства, / понѣже пустыня покоя и ума почивание, / презельная родительница и воспитательница, / клевет и тишина мысли и божественнаго зренія плодovitый корень, / истинная содружебница с Богом сопряжения духовнаго. / Сему Божию о тебѣ благоволенію дивящися, // воспеваем ти сѣце:

Радуйся, трудов ради духовных в пустынях поселивыйся;

Радуйся, отсекати свою волю греховную научивыйся.

Радуйся, любовь к путынножителству со отцы разделивый;

Радуйся, откровением помыслов душу свою укрепивый.

Радуйся, плоть свою духови всеобразно покоривый;

Радуйся, духом разума язык лопарский новолѣпный сотворивый.

Радуйся, странниче малый, искій Отчества Горняго;

Радуйся, возшедый на высоту совершенства духовнаго.

Радуйся, преподобне Феодорите, // равноапостольное служение в земли Кольстей нам явивый.

Кондак 5

Последі отшел еси, отче доблественный, / в самый край земли сѣверныя, в далечайшую пустыню, / в язык глубоких варваров, лопарей диких, / плывя великою Колою-рекою, / яже впадает в море Сѣверское. / И тамо изшел еси из кораблеца и возшел еси на горы высокия, / яже Святое Писание нарицает ребрами сѣверовыми, / и вселился еси в тех лесѣх, / в велицых пустынях оных непроходимых. / И, тамо воздвигнув некое жилище, / себе самаго

предста́вил еси́ селѣниемъ Бѣгу Вѣшнему, / прѣсно поя́ Емѹ
моли́твы в по́двизехъ и пощѣнии: // Алилу́ия.

И́кос 5

Пропове́дуетъ пу́стыня Лопáрская по́двиги и трудо́я тво́я, /
богonóсне уго́днице Христо́в: / де́бри бо, леса́ и горы́ ея́ моли́твою
облагоуха́л еси́, / проро́комъ Бѣжимъ и пу́стынникомъ дре́внимъ
подража́я. / Яви́лся еси́ пу́стыни Ко́льския прозябе́ние
многopло́дное, / дара́ми Ду́ха Свята́го осия́нное. / Мы́ же, суето́ю
помраче́ннии и во гресе́хъ все́ жити́е иждѣ́вшии, / дивя́щеся по́двигу
тво́емѹ пу́стынному, // си́це вопи́емъ:

Ра́дуйся, отше́льнице и молча́льнице предѣ́вный;

Ра́дуйся, исто́чнике богому́дрия неизждѣ́вный.

Ра́дуйся, земли́ да́льния моли́твеннице усер́дный;

Ра́дуйся, пу́стыни Ко́льския прозябе́ние благосе́рдное.

Ра́дуйся, цвѣ́те ра́йский, на ка́мени ре́бер се́веровыхъ прозябѣ́й;

Ра́дуйся, я́ко за́поведи Бѣжией не престо́пи и судьбы́ Егó не
забы́.

Ра́дуйся, благогла́снице, до ко́нecъ земли́ сло́во Бѣжие
воспе́вый;

Ра́дуйся, боготѣ́чное свети́ло, все́ ко́нecы пу́стыни я́ве
облиста́вый.

Ра́дуйся, преподо́бне о́тче Феодори́те, // равноapóстольное
служе́ние в земли́ Ко́льстей намъ яви́вый.

Конда́к 6

Обре́лъ естѹ́ Феодори́т сла́вный та́мо еди́наго ста́рца-
пу́стынника / и́менемъ Митрофа́на, си́речь во ино́чествѣ Три́фона. /
И пребы́ваша вку́пе в прегорча́йшей пу́стыни, Бѣгомъ храни́мии, /
пита́ющеся от жесто́кихъ зе́лий и корѣ́ния, / я́же та́мо произво́дитъ
пу́стыня о́ная. / И подви́зася та́мо со о́нымъ предрече́ннымъ ста́рцемъ, /
а́ки два́дцать летъ во святѣ́мъ и непоро́чномъ жи́тельствѣ. / Та́ко
ми́лостию Бѣжию просвети́тели Ко́льстии и чудотво́рцы, / я́ко
свети́льницы в земли́ се́верней, возже́ни бы́ша. / Мы́ же, то́мѹ
врадостне́тивше, / Бѣгу си́це вопи́емъ: // Алилу́ия.

Їкос 6

Просветіся святѣм крещѣнием той язѣк лѡпскій / трудами
ва́шими, отцѣ преслávнии. / Реклі бо естѣ о язѣце сем, я́ко лю́дии
тии зело́ прѡсты, и крѡтцы, / и отню́дь вся́каго лука́вства
неиску́сны, / та́кожде ко спасѣ́нному пу́ті тща́ливы и рачительны
зело́, / я́ко последі́ мно́жества от них мні́шеское житі́е возлю́біша
/ за благода́тию Христа́ на́шего и за Того́ свяще́ными учѣ́нии, /
понѣ́же научѣ́ни бѣ́ша Писа́нию и моли́тве, / я́же приве́де им от
язѣ́ка словѣ́нска в язѣ́к лопа́рский Феодори́т преподо́бный. // Мы
же апо́стольство ва́ше чествѣ́ем провеща́нии сицевѣ́ми:

Радуйтесь, тайнницы Бо́жии, в пу́стыни не утай́вшиися;

Радуйтесь, свети́льницы Христо́вы, во мра́це полно́щном
просветі́вшиися.

Радуйтесь, неvěрных учѣ́нии сво́ими удиві́вши;

Радуйтесь, овцы Христо́вы во е́дино ста́до совокупі́вши.

Радуйтесь, ідо́льския лѣ́сти усер́днии истребі́телие.

Радуйтесь, диаво́льских ко́зней благоде́рзновѣ́ннии
обличителие;

Радуйтесь, умы́, демоностра́шием пленѣ́нныя, божѣ́ственным
свѣ́том озарі́вши;

Радуйтесь, равноапо́столи сла́внии, язѣ́ки се́верныя в ве́ру
улові́вши.

Радуйтесь, преподо́бнии отцѣ́ Ко́льстии, // равноапо́стольное
служѣ́ние в землі́ се́верней нам показáвши.

Конда́к 7

Я́ко хра́брый во́ин Христо́в, / вся́каго мирска́го пристра́стия
кроме́, ѡ́тче Феодорі́те, бѣ́л еси́, / проти́ву нача́л власте́й те́мных,
миродѣ́ржцев ве́ка сего́ воста́л еси́. / Духо́вным отце́м и наказа́телем
бе преподо́бному Варлаа́му, / прише́дшему к тебе́, извествѣ́я о
убі́йстве и прося́ прощѣ́ния, / слеза́ми зѣ́млю ома́кая о соде́янных в
я́рости и невозде́ржании. / Ты же дал еси́ ему́́ и́го ле́гкое: / е́же
ме́ртваго носі́ти во грѡ́бе, до́ндеже изгниѣ́т те́ло уме́ршия
супру́жницы, / само́у же в посте́ и моли́тве пребыва́ти, / и тако́во
возде́ржание имѣ́ти, / я́ко и ры́бе то́чию е́диною на Па́сху

причащáтися. / Мы же, дивя́щеся повелѣ́нiю Дúха в епитимiй
таковѣй / и смиренному послушáнiю Варлаáмову, /
Подвигополо́жнику, скóрби нáша в рáдость Претворя́ющему, / сiце
вопи́ем: // Алиллúия.

И́кос 7

За благодáтию Христо́вою распространи́ся в том язýце
про́поведь ева́нгельская, / и явлѣ́нни быша тобóю, óтче
чудодѣ́тельный, / во глубóких вáрварех чудеса́ и знамѣ́ния, / я́ко
глаго́лет божѣ́ственный Пáвел: / знамѣ́ние, рече́, не вѣрующим, но
безвѣ́рников рáди. / Тогда́ научѣ́ннии от тебе́ и оглашѣ́ннии лопля́не
/ едiнаго дня крестíшася, я́ко две тýсящи и со жéнами и детьмí. /
Сiце сей блажѣ́нный и апóстолом подóбный муж / испрáвил есть
труды́ свои́ми. / Мы же, взира́юще на дела́ сия и дивя́щеся, // сiце
вопи́ем тi:

Рáдуйся, Трóицу Божѣ́ственную прáво слáвити научíвый;

Рáдуйся, оляденѣ́вшая сердца́ чад свои́х согрѣ́вый.

Рáдуйся, я́ко возмо́гл еси́ нойд лопáрских мудровáния
препрéти;

Рáдуйся, крóткий посреде́ чад, я́коже дойли́ца, гре́ющий своя́
дѣти.

Рáдуйся, мно́гих чудес́ творѣ́ния от Гóспода явíвый;

Рáдуйся, духóвных чáд твои́х крещѣ́нием породíвый.

Рáдуйся, честнóе носíло Святы́я Трóицы и похвалѣ́ние;

Рáдуйся, чистотóю и святы́нею Áнгелом уподоблѣ́ние.

Рáдуйся, преподобне́ óтче Феодорíте, // равноапóстольное
служѣ́ние в землí Кóльстей нам явíвый.

Конда́к 8

Не терпíт дрéвний супостáт челове́ческаго рóда, / очíма
зави́стныма зря́ благоче́стие, / труда́ми твои́ми, óтче Феодорíте,
возраста́емо, / и разседа́яся ненави́стию. / Подуща́ет на тя
новособра́нных монасты́ря мнiхов, / шепча́ невидимо во úши и
глаго́ля им во сѣрдце: / тяжек вам путь сей и неподъѣ́млем, / и
никто́же возмо́жет от челове́ков претерпéти устáвом, / вам от
игúмена предáнным; / кáко мóжете без имѣ́ний жiти, / свои́ма

рука́ма хлеба́ добыва́юще? / Ты же, о́тче святы́й, / моля́ся об
обра́щении заблужда́ющих, / молчали́вою крото́стию и игу́менской
твёрдо́стию / сих вразумля́л еси́, воспева́я Бо́гу: // А́ллилу́ия.

И́кос 8

Поне́же ину́ю за́поведь, о́тче преподо́бный, / пре́дал еси́ им,
уста́в Соловѣцких Зо́сими и Савва́тия: / ктому́ не то́кмо жены́, /
ниже́ скота́ еди́наго отню́д же́нскаго по́лу не имѣти та́мо. / Сего́
ра́ди сложив́шися со диа́волом, мни́си о́нии вознеи́стовишася: /
има́ют тя, ста́рца свята́го, и би́ют неща́дно, / и от стра́ны то́я
изгоня́ют, а́ки врага́ не́коего. / Ты же по́йде от тех пу́стынь
понево́ле, / и быва́еши поставля́емъ от святі́теля Мака́рия игу́меном
/ во монасты́ре Ко́куевом, на у́стие реки́ Ны́вы, над мо́рем на
на́волоце. / Мы́ же, зря́ще твоѣ крѣпкое благоду́шие и зижди́теля
терпе́ние, // благоче́стно тя почита́ем и со удивле́нием вопи́ем ти
си́це:

Ра́дуйся, му́жу скорбе́й, сора́дуяйся со святы́м Па́влом во
страда́нии;

Ра́дуйся, со смире́нием таковы́я бе́ды претерпе́вый во
изгна́нии.

Ра́дуйся, я́ко па́стырь милосе́рдный, развра́щенных ча́д не
отри́нувый;

Ра́дуйся, я́ко оте́ц миролюби́вый, вѣ́ну я ко Христу́ зовѣ́й.

Ра́дуйся, науча́яй крест свой невозно́сительно и терпели́вно
нести́;

Ра́дуйся, я́коже са́м себе́ восхоте́х и́скренняго своего́ спасти́.

Ра́дуйся, адама́нте, козньми́ вра́жиими несокруши́мый;

Ра́дуйся, вяза́вый князе́й вра́жиих запреще́нием нереші́мым.

Ра́дуйся, преподо́бне о́тче Феодори́те, // равноапосто́льное
служи́ение в земли́ Ко́льстей нам яви́вый.

Конда́к 9

Ца́рь же вели́кий Иоа́нн Васи́льевич / а́бие призыва́ет тя, о́тче,
/ и поставля́ет архимандрі́том Евфи́миева монасты́ря, / и́же есть
близ вели́каго ме́ста Су́здаля. / Поне́же и там обре́л ты зело́
необузда́нных мни́хов / и своево́льно, не по уста́вом и святы́м

пра́вилем живу́щих, / їхже обуздава́еши и востязáеши стра́хом
Бо́жиим, / наказу́я по Васи́лиеву уста́ву жи́тельствovati, / и
обличáеши за сребролю́бие и пьянство. / Мы же, ве́дуще тя, я́ко
му́жа не то́кмо в ра́зуме и премúдрости мно́зей, / но и от рождéния
своего́ чýста и непорóчна, / ктому́ же и трéзвость во вся дни живота́
своего́ храня́ща, взыва́ем ти: / не забúди нас в непорóчных
моли́твах твои́х, / в ра́дости Бо́гу пою́щих: // **А**лилу́ия.

И́кос 9

Ви́дяще тя, мно́зи та́мо живу́щии мни́си, / на́рочитии и
доброжи́тельнии му́жи, / вседу́шне обра́довани ти бы́ша, я́ко му́жу
испе́рва во преподо́бии и святы́ни сýщу. / И о сем па́че лука́вии
мни́си за́вистию разседа́еми бы́ша, / ви́девши тя от благолю́бивых и
святы́х и́ноков вельми́ почита́ема. / Ты же зван был еси́, óтче
превозвы́шенный, / ко двору́ ца́рскому, я́ко знáнный богослóв и
веду́щий грéческий язы́к, / посóльства ра́ди от Патриáрха
Константинопо́льского. / Мы же, просвещáеми свéтом
добродéтелей твои́х, // со умилéнием песнослóвим си́це:

Рáдуйся, христиáнского благоче́стия и́стинный храните́лю;

Рáдуйся, Златоу́стаго Святите́ля му́жеству ревни́телю.

Рáдуйся, гла́се небéсныя и́стины, злонра́вных и бýих
умудря́я;

Рáдуйся, грóме благодéшный, соблазня́ющих устраша́я.

Рáдуйся, враго́в Це́ркве Христо́вы зазо́рчивый обличите́лю;

Рáдуйся, нечестíвых витий немóлчный посрамите́лю.

Рáдуйся, знáнный богослóве бесе́дования превы́спреннаго;

Рáдуйся, чу́ден песнослóвец жития́ а́нгельскаго, и́стоваго.

Рáдуйся, преподо́бне óтче Феодорите, // равноапо́стольное
служéние в земли́ Ко́льстей нам явívый.

Конда́к 10

Пи́шеши, преподо́бне óтче Феодорите, / еписто́лию на
Пе́ченгу ко и́скреннему дру́гу своему́ Три́фону, / да́бы ста́рца сего́
пред ца́рским лицéм поста́вити / и об оби́тели его́ ходата́йствовати.
/ И оттóле вели́кий Царь возлю́бил есть страны́ Пе́ченжския, / а
па́че преподо́бнаго Три́фона, / и пожа́ловав его́ и ода́рив оби́тель

кампаны и церковною ўтварию богáтно, / отпусти́л е́сть с
мѣлостивымъ призрѣниемъ. / Потщѣмся же и мы / всемѣрно
подражати братолѹбѣи и щедрѣству твоемѹ, Феодорѣте, / да
благоприятно Бѣгу возопиѣмъ: // Алилуѣя.

И́кос 10

Па́ки призывáетъ ты царь, ꙗ́ко мѹ́жа иску́сна и мѹ́дра, /
повелева́яй посѣльствовати къ Патриáрху Константинопо́льскому / и
просѣти благословѣния о короновáнии, / и о такомъ благословѣнии
и о величáнии, / ꙗковѣмъ чѣномъ христѣанстѣи Цѣсари Рѣмстѣи / от
Па́пы и Па́триарховъ венча́еми бѣша. / Ты же, повелѣния царѣва
послу́шавъ, / уже́ в мастѣтей стáрости и в нѣмощнемъ тѣлесѣ́ бѣл есѣ́,
/ обáче поѣде с радѣстѣи на такое́ посѣльство. / Мы же, дивѣщесѣ
послушáнию твоемѹ, // воспѣва́емъ ти сѣ́ще:

Ра́дуйсѣ, при главѣ́знѣ Цáрскѣи вла́сти стоя́вый;

Ра́дуйсѣ, крѣпѣсте держáвы нáшея ко́рень созидáвый.

Ра́дуйсѣ, Грѣзнаго царѣ́ ходáтáю вѣ́рный;

Ра́дуйсѣ, небрегѹ́щий болѣ́зни и стáрости тлѣ́ннѣи.

Ра́дуйсѣ, христѣáнскаго благочѣ́стѣи ѣ́стинный ревнѣ́телю.

Ра́дуйсѣ, осѣбенный Россѣ́йскѣи держáвы хранѣ́телю.

Ра́дуйсѣ, нѣмощѣи телесѣ́ нивѣчтѣ́же вменѣ́вый;

Ра́дуйсѣ, небѣсною слáвою дѹ́шу твою́ возвеселѣ́вый.

Ра́дуйсѣ, преподѣ́бне отче Феодорѣ́те, // равноапѣ́стѣи
служѣ́ние в землѣ́ Ко́льстей намъ ꙗ́вѣый.

Конда́к 11

Ходѣ́л есѣ́ вѣ́щше лѣ́та едѣ́наго, ѣ́тче нашъ преподѣ́бне, / и на
пути́ мнѣ́зи бѣ́ды и трудѣ́ подѣ́ял есѣ́, / тáмо же ѣ́гненнымъ недѹ́гомъ
в Константи́не гра́де áки двá мѣ́сяца ѣ́бѣ́т бѣл есѣ́, / но и ѣ́то всехъ
сѣхъ благодáтию Бѣ́жѣею избáвленъ бѣл есѣ́, / возвратѣ́всѣ́ здравъ,
принесѣ́ со благословѣ́ниемъ собѣ́рнымъ послáние от Патриáрха / ко
цáрскáго сáна возведѣ́нию Вели́кому кня́зю Россѣ́йскому. / Тáко
вещѣ́ственнѣи тобѣ́ю бѣ́истъ помышлѣ́ние вѣ́лие: / Москвá – Трѣ́тий
Рѣмъ е́сть, / да и мы́ всѣ́, достѣ́йно почитáюще страдáльчѣства твоѣ́, /
благодáрственнѣи вопиѣ́мъ Гѣ́спѣду: // Алилуѣ́я.

Їкос 11.

Иерáрси грéчестии во дíвости глаго́лаша, / я́ко свято́му мýжу
о́ному, Феодори́ту Ко́льскому, / сам Патриáрх удивíся, послу́шав
рече́ния и бесе́дования его́ премúдраго, / та́кожде и узрѣв
жítельства его́ благоподража́тельного и священнолѣпнаго. / Егда́
восхотѣ царь Иоáнн почтíти тя, о́тче, да́ры богáтыми да вла́стию
духо́вною, / тогда́ да́ры царя́ земна́го Небѣснаго ра́ди Ца́рствия
отве́ргл еси́, рече́: / аз я́ко вла́стию, так и сребреники не обыкóх
наслажда́тися, / но то́чию сего́ прошú, / да с по́коем и со
безмо́лвием в кѣллии до изшѣствия моего́ пребу́ду. / Тѣмже внима́я
словесѣм твои́м премúдным, // от усѣрдия на́шего вопиѣм ти сýще:

Рáдуйся, о́браз нищеты́ духо́вныя дíвно воспѣ́вый;

Рáдуйся, ми́ра сего́ кра́сная Бо́га ра́ди презре́вый.

Рáдуйся, свещѣ́ неугасíмая, в пусты́ни дíвей пламене́ющая;

Рáдуйся, забра́ло злáтое, нас от бед и напáстей защища́ющее.

Рáдуйся, достосла́вный в отцѣх Правосла́вия хранíteлю;

Рáдуйся, досто́йнопѣ́тый в певцѣх правотолю́бия ревни́телю.

Рáдуйся, ратобóрец неусыпа́емый на стра́сти грехо́вныя;

Рáдуйся, свети́льниче сия́й, горя́й дарова́нии духо́вными.

Рáдуйся, преподо́бне о́тче Феодори́те, // равноапо́стольное
служѣ́ние в земли́ Ко́льстей нам явívый.

Конда́к 12

Воистину́ сие́ удивлѣ́ния досто́йно: / ка́ко в толи́цей ста́рости
масти́тей / в кѣллии с по́коем пребы́ти не восхотѣ́л еси́, старче
предíвный, / таковы́я неудобопри́ятныя и жесто́кия пу́ти па́ки
претерпе́л еси́, / лѣ́том пла́ваяй по мо́рю, / зимо́ю же на
скорошѣ́ственных елѣ́нех путе́ходяй по непрохо́дным пусты́ням, /
усѣ́рдно посещáл еси́ ча́да своя́ духо́вная, / я́ко мнѣ́хи, та́кожде и
лопля́ны, / научѣ́нныя и крещѣ́нныя тобо́ю в ве́ру Правосла́вную. /
Мы же, дивя́щися благо́им твои́м по́двигом, / почти́м их се́рдцем и
усты́, / да благопри́ятно чуде́юще́му в тебѣ́ Бо́гу вопиѣ́м: //

Алиллу́ия.

Ўкос 12

Востани с нами, православный соборе вселенский, /
прославим Благодетеля всех Бога, / воздвигшаго в земли
Россійстей преподобнаго отца нашего Феодорита, / подвиги
равноапостольныя в северных пределах Святыя Руси понесшаго / и
правду Божию неведущим лопляном возвестившаго. / Мы же
хвалим тя вси, великопроповедателя Лапландскаго, / ублажаем
достопамятное житие твоё, // воспевающе песнь благодарения:

Радуйся, челове́че Божий, добродетельми Евангельскими
украшенный;

Радуйся, преподобным отцам Стефану и Евфимию
уподоблённый.

Радуйся, побеждение врагов видимых и невидимых явивый;

Радуйся, своим примером нам путь ко спасению открывый.

Радуйся, во Царствии Небесном со Христом пребываая;

Радуйся, нас во мразех грехов сущих неоскудно согревая.

Радуйся, источнике боговещанный, живоносный и пречистый;

Радуйся, стено и покрове земли северней и всей державе
Россійстей.

Радуйся, преподобне отче Феодорите, // равноапостольное
служение в земли Кольстей нам явивый.

Конда́к 13

О, великий просветителю земли Кольския, /
равноапостольный и богомудрый преподобне отче наш Феодорите,
/ скорый заступниче всем нам во всяких бедах и скорбех! / Малое
сие наше приношение прием, / умоли Подвигоположника и
Совершителя Иисуса, / да сохранит край наш северный, / и всякий
град, и страну христианскую от всякия напасти и обстояния, / да
излиет на ны потоцы милости Своея, / да просветит ны лучами
святости, / и да избавит ны воздушных мытарств и вечныя муки, / и
сподобит Небеснаго Царствия Своего, / идеже с тобою и сонмом
святых Земли Россійския / воспоём Бо́гови хвалебную песнь: //

Алилу́ия, Алилу́ия, Алилу́ия.

(Сей конда́к чтётся трижды, зате́м 1-й ўкос и 1-й конда́к)

Їкос 1

А́нгела земна́го и небеса́наго челове́ка, / преподо́бнаго отца́
нашего Феодори́та почти́м, / се́мя пра́вды ева́нгельския во язы́цах
земель се́верных посе́явшаго / и вся сия́ ко Христу́ приве́дшаго, / и
просла́вим апо́стольския по́двиги его́. / А́нгельское твоё во плоти́
жити́е прови́дев, / всея́ тва́ри Созда́тель от ю́ности твоея́ угото́ва ты
в сосу́д че́стен, // те́мже научи́ вопи́ти тебе́ си́це:

Ра́дуйся, благоче́стиваго ко́рене о́трасле возвраще́нная;

Ра́дуйся, в науче́нии кни́жном па́че све́рстных просвеще́нный.

Ра́дуйся, в ю́ности ра́зум соверше́нный яви́вый;

Ра́дуйся, идо́льскую лесть в земли́ се́верней упрядни́вый.

Ра́дуйся, оби́телей и церкве́й зижди́телю неусыпа́емый;

Ра́дуйся, благове́стник Христо́ва уче́ния неиссяка́емый.

Ра́дуйся, о́тче преподо́бне, благода́тию Христо́вою осене́нный;

Ра́дуйся, ста́рче блаже́нне, да́ром прозре́ния свы́ше
одаре́нный.

Ра́дуйся, преподо́бне Феодори́те, // равноапо́стольное
служе́ние в земли́ Ко́льстей нам яви́вый.

Конда́к 1

Избра́нный уго́днице, Феодори́те преблаже́нный, / ка́ко не
удиви́тися нам добродете́льным деломъ твои́м предивнымъ? / Что
возглаго́лем о томъ, якова́я имёл еси́ дарова́ния от Бо́га, / си́речь
да́ры Ду́ха Свята́го: / си́лы исцеле́ния, дар проро́чества, дар
му́дрости, / уме́ние грёшники уловля́ти от презлы́х дел диа́вольских
/ и наставля́ти на путь пока́яния, / дар приводи́ти от нече́стия и
многоле́тнаго дре́вняго неве́рия / в ве́ру Христо́ву язы́ки неве́рныя?
/ О, па́стырю предивный, / я́ко имейя́ таково́е бога́тное дерзнове́ние
ко Го́споду, / от вся́ких нас бед свободи́, / с похвалёнием зову́щих
ти:

Ра́дуйся, преподо́бне Феодори́те, // равноапо́стольное
служе́ние в земли́ Ко́льстей нам яви́вый.

Молитва

преподобному Феодориту просветителю Кольскому

О, преподобне и богоносне отче наш Феодорите, Духа Святаго сосуде избранный, Христоподрожательный в Небесный Сион наставниче и руководителю всем, благочестно жити хотящим, образе благонравия, благоискусный кормчий корабля мысленного, чрез море мира сего к Небесному пристанищу плавающего, во пастырях Христовых дивный первоподвижниче, увенчанный Божественною благодатию, Великия Лапландии равноапостоле, пастырю наш добрый и учителю премудрый, монастырей и церквей Божиих зиждителю неутружденный, светильниче Русскаго Севера, великий чудотворче и неусыпаемый молитвенниче!

К тебе во умилении душ и сокрушении сердец благонадёжно притекаем и вопиём, просяще смиренно помощи твоея и теплаго ко Христу Богу предстательства. Да твоими богоприятными молитвами испросиши нам от Него человеколюбную милость и оставление многих наших согрешений. Посети ны обильною и святою своею любовью, еюже славно преуспел еси ещё во дни твоя земныя и до праведныя твоей кончины во обители Соловецтей, вразумляя нас в заповедех Христовых, о нихже добре поревновал еси до последнего часа твоея многотрудныя равноапостольныя жизни.

Испроси нам, немощствующим душею и бедствующим в скорбех, богоприятное и спасительное время на покаяние, истинное исправление и обновление нашего жития, в нёмже мы, грешнии, осуешихомся умом и сердцем, предахом себе непотребным и лютым страстям, пороком и беззаконием, имже несть числа. Приими убо, соблюди и покрый нас кровом твоея многия милости, низпосли нам благословение от Господа, да понесём благое иго Христово в долготерпении до конца дней наших, чающе будущего живота и Царствия, идеже несть печаль, ни воздыхание, но жизнь и радость безконечная, изобильно истекаемая от Единого Всесвятаго и Блаженного Источника

безсмертія в Трѳице поклоняемаго Бѳга, Отца, и Сына, и Святаго
Духа, ныне, и присно, и во веки веков. **А**минь.

Величание:

Ублажаем тя, / преподобне отче наш Феодорите, / и чтем
равноапостольныя труды твоя, / иже в земли Кольстей трудился
еси // во благовѣстии Христове.